



REGIONE AUTONOMA DELLA SARDEGNA

DELIBERAZIONE N. 20/12 DE SU 1.04.2008

Ogetu: L.R. 14.09.1993 n. 44 e modificas e integratziones imbenientes. Istituzione de sa die de su pòpulu sardu. Programmatzione atividades “Sa Die de sa Sardigna 2008” dedicada a sa limba sarda

S'Assessore de s'Istruzione Pùblica, Benes Culturales, Informatzione, Ispetàculu e Isport

bida sa Lege Regionale 14 de cabudanni 1993, n. 44 chi istituit sa die de su pòpulu sardu “Sa Die de Sa Sardigna” e modificas e integratziones imbenientes;

bida sa L.R. n. 4 de su 5 martzu 2008 chi detat “Bilantzu de previsionu pro s'annu 2008 e bilantzu pluriennale pro sos annos 2008-2011”;

leadu atu chi s'istantziamentu de s'annu 2008 in su capìtulu de riferimentu est de 100.000 èuros e chi, a cajone de su comma 10 de s'art. 12 de sa Lege Regionale 21 de abriale 2005, n. 7 chi previdit chi una cuota de su 20% de s'istantziamentu pro s'annu siat chirriada a sas atividades organizativas de *Sa Die de sa Sardigna* de s'annu imbeniente, sa disponibilidade de su capìtulu pro sa programmatzione de iniciativas promòvidas a manera direta dae s'Amministrazione regionale in s'annu 2008 est de 80.000 èuros in su capìtulu SC03.0247;

leadu a cunsideru chi dae s'annu 2004 sa Giunta regionale at seberadu de ischertare onni annu unu tema distintu subra su cale fundare sa manifestatzione, sende chi Sa Die de sa Sardigna podet èssere un'occasione pro pònneru in òpera iniciativas ispiradas a sos valores de s'autonomia e de s'identidade;

leadu a cunsideru, in prus, chi s'Assemblea Generale de sas Natziones Unidas at proclamadu su 2008 *Annu Internatzionale de sas Limbas* – in s'atinu chi “sas limbas matessi cun sas implicatziones identitàrias cumplessas e comunicativas issoro, de integratzione sotziale,



educatzione e isvilupu, tèngiant un'importu istratègicu pro s'umanidade" - e chi sa limba representat su sinnu de fundamentu de s'identidade de unu pòpulu.

proponet de dedicare s'edizione 2008 de *Sa Die* de Sa Sardigna a sa limba sarda, sighende s'apentu e s'aficu postu dae sa Giunta regionale in atziones che a sa definizione de sas normas linguísticas de referèntzia a caràtere isperimentale pro sa limba iscrita de s'Amministrazione regionale numenada *Limba sarda comuna*; s'istituzione de *S'Ufitziu de sa limba sarda*; sa promotzione de curvegnos e seminàrios de istùdiu de livellu internatzionale pro cumparare limbas minoritàrias italianas e europeas; sa promotzione linguística cun sos mèdias; sos cursos de formatzione linguística; sos progetos didàticos e de chirca etc.

proponet in prus chi sa die de su 28 de abriale si potzat disinnare gasi comente sight:

- tzerimònia tzelebrativa in su Consìgiu Regionale
- festa popolare, in sa matessi die, in sas ota provìntzias sardas
- messàgios istituzionales in limba sarda in sos mèdias.

S'Assessore proponet in prus chi potzant cuncùrrere a sa tzelebratzione de sa limba sarda:

- sas Comunas e sas Provìntzias, cun progetos chi pertocant su recùperu de sos topònimos urbanos antigos (bighinados, pratzas, carreras etc.) pro mèdiu de documentatzione fotogràfica o cartogràfica e registratzione vocale de sas pronùntzias etotu in sas variantes linguísticas locales;
- sos Tzìrculos de sos emigrados, pro mèdiu de sos organismos de rapresentàntzia issoro, produende materiale fònicu in sas variantes diferentes de sa limba sarda chi atenent a esperièntzias nòdidadas de bida e de traballu;
- sas Iscolas, comente in sas edizioni coladas, cun progetos didàticos e formativos in sos cales sa limba sarda tèngiat unu ruolu de primore (realizatzione de cortometràgios, elaboratzione de testos, cumponentos musicales, etc.).

S'Assessore proponet in fines chi su programma de sas iniciativas subra naradas – chi ant a pòdere èssere acumpridas cun s'ajudu e sa collaboratzione de sugetos e organismos chi òperant in su mundu de sa limba e de sa cultura sarda - e sa partizione de sas resursas istantziadas in sos capìtulos chi li cumpetent SC03.0248, SC03.0249, SC03.0250, sa disponibilidade de sos cales est



REGIONE AUTONOMA DELLA SARDEGNA

DELIBERAZIONE N.
DEL

de èuros 50.000 pro onnunu, siant ammaniados cun atu suo etotu ponende in contu sos datos chi pertocant sa populatzione de riferimentu (pro Comunas, Provintzias e Iscolas ebbia).

Sa Giunta regionale, a pustis de àere intesu sa proposta de s'Assessore de s'Istruzione Pùblica, Benes Culturales, Informatzione, Ispetàculu e Isport, bidu su parre de legitimidade de su Direttore Generale de sos Benes Culturales, Informatzione, Ispetàculu e Isport

DELÌBERAT

- de leare atu de sa proposta de s'Assessore de s'Istruzione Pùblica, Benes Culturales, Informatzione, Ispetàculu e Isport de dedicare *Sa Die de sa Sardigna* 2008 a sa limba sarda, imprende sos fundos a disponimentu in su capìtulu SC03.0247, parìviles a 80.000 èuros e in sos capìtulos SC03.0248, SC03.0249, SC03.0250, parìviles a 50.000 èuros peròmine, de su bilantzu regionale 2008;
- de pònneru in cabu a s'Assessore de s'Istruzione Pùblica, Benes Culturales, Informatzione, Ispetàculu e Isport de definire, cun atu suo etotu, in cunforma a s'art. 8 de sa L.R.31/98, sas partziduras de gastu chi atenant a àteros progetos chi, subra su tema seberadu, ant a èssere acumpridos dae s'Amministrazione regionale matessi, finas cun s'agjudu e sa collaboratzione de sugetos e organismos chi òperant in su mundu de sa limba e de sa cultura sarda, dae comunas e provintzias e iscolas e Tzìrculos de emigrados sardos, carrighende-los in sos fundos assinnados in sos capìtulos de cumpetèntzia de su bilantzu regionale 2008;
- de dispònneru s'imbiu a su Consìgiu regionale pro s'achirimentu de su parre prevìdidu dae s'art. 1 de sa Lege Regionale 14 cabudanni 1993, n. 44

Lèghidu, cunfirmadu e sutascritu.

Su Direttore Generale

Fulvio Dettori

Su Presidente

Renato Soru

Pro còpia cunforma a impreu
amministrativu